

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 399166 21 St
Tuzla, 27.09.2021. godine

Općinski sud u Tuzli, sudija Faruk Arnaut, u stečajnom postupku nad imovinom dužnika „Delix“ d.o.o. za poslovanje i promet Doboj Istok, „Delix“ d.o.o. za poslovanje i promet, Podružnica „BAUSCHOP“ Doboj Istok, odlučujući o prijedlogu za otvaranje stečajnog postupka dana 27.09.2021. godine, donio je sljedeće

R J E Š E N J E

I-OTVARA SE stečajni postupak nad imovinom dužnika „Delix“ d.o.o. za poslovanje i promet Doboj Istok, „Delix“ d.o.o. za poslovanje i promet, Podružnica „BAUSCHOP“ Doboj Istok matični broj subjekta I-9308, broj glavnog računa 1543602010969210 otvoren je kod IntesaSanpaolo banka dd BiH.

II-Stečajni postupak se otvara sa danom 27.09.2021. godine u 15,00 sati, kada se rješenje o otvaranju stečajnog postupka ističe na oglasnoj tabli suda. Oglas o otvaranju stečajnog postupka objavit će se u „Službenim novinama F BiH“.

III-Za stečajnog upravnika imenuje se **Alisa Bijedić z Tuzle, ul. Žarka Vukovića Pucara br.12., Tuzla.**

IV- Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika koja je u njihovom posjedu.

V-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečaju prijavi potraživanja (član 105. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj 1321000256000080, vrsta prihoda 722221, primalac Budžet Tuzlanskog kantona.

VI-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.

VII-Pozivaju se lica koja imaju obaveze prema stečajnom dužniku da ih bez odlaganja izvrše.

VIII-Otvaranje stečajnog postupka ima se upisati u sudski registar Općinskog suda u Tuzli, zemljišne knjige Općinskog suda u Gračanici, te kod Službe za geodetske i imovinsko-pravne poslove Općine Doboj Istok.

IX-Skupština povjerilaca (ročište za ispitivanje) na kojem će se ispitati prijavljena potraživanja zakazuje se za dan **ČETVRTAK 09.12.2021. godine u 11,00 sati, u zgradi Općinskog suda u Tuzli, ulica ZAVNOBIH-a bb, sudnica S1.**

X-Skupština povjerilaca (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka održat će se **ČETVRTAK 09.12.2021., na istom mjestu nakon ročišta za ispitivanje prijava potraživanja.**

XI-Rješenje o otvaranju stečajnog postupka u cijelosti objavit će se na oglasnoj tabli suda, web-stranici suda – elektronskoj tabli suda, na internet stranici FIA-e, a u Službenim novinama F BiH objavit će se samo izreka rješenja.

O b r a z l o ž e n j e

Dana 08.04.2021 godine, predlagači Delix“ d.o.o. Doboj Istok kao dužnik i Intesa Sanpaolo Bank d.d. BiH kao povjerilac podnijeli su prijedlog za otvaranje stečajnog postupka nad imovinom dužnika iz razloga platežne nesposobnosti., temeljem odredbe člana 4 i čl. 6. Zakona o stečaju („Sl.novine F BiH“, br.53/2021).

Nakon razmatranja prijedloga sud je rješenjem od 15.07.2021. godine pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika temeljem odredbe čl. 60., 61. i 63. Zakona o stečaju. Privremeni stečajni upravitelj u spis suda dostavio je izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Temeljem odredbe čl. 102 stav 1. Zakona o stečaju zakazano je ročište radi ispitivanja uslova za otvaranje stečajnog postupka i rasprave o izvještaju privremenog stečajnog upravnika na koje je pristupio privremeni stečajni upravitelj i zakonski zastupnik predlagača, a u odsustvu uredno obavještenog dužnika.

Iz izvještaja privremenog stečajnog upravnika proizilazi da je za društvo dužnika registrovano pod matičnim registarskim brojem subjekta upisa : 1-9308. U pogledu pravnog statusa privremeni stečajni upravitelj je utvrdio da je društvo dužnika bilo registrovano za obavljanje većeg broja djelatnosti, a da je kod nadležnog Zavoda za statistiku prijavilo pretežnu djelatnost pod šifrom 49.41 „cestovni prevoz“. U pogledu pregleda poslovanja putem transakcijskog računa društva iz izvještaja privremenog stečajnog upravnika proizilazi da je prva blokada računa evidentirana dana 20.07.2020. godine, a da je društvo podnijelo prijedlog za pokretanje stečaja dana 07.04.2021. godine, dakle iz čega proizilazi da jedan od predlagača, odnosno dužnik nije podnio prijedlog za pokretanje stečaja u roku od 60 dana od dana nastupanja platežne nesposobnosti. U pogledu zaposlenih lica kod društva, i izvještaja proizilazi da je društvu 2019. godine bilo zaposleno prosječno 21 lice, 2020. godine 10 zaposlenih lica, dok je u 2021. godini bilo zaposleno 15 lica za koja su ostala ne izmirena bruto plaće za mart i april 2021. godine. Što se tiče pregleda poslovanja kod društva dužnika na osnovu finansijskih izvještaja proizilazi da

prema dostupnim podacima u poslovnoj evidenciji društva i na zvaničnoj stranici FIA-e proizilazi da je iskazan pozitivan finansijski rezultat za 2019. godinu u iznosu od 103.911,00 KM, a negativan finansijski rezultat i drastičan pad prihoda sa iskazanim značajnim poslovnim gubitkom u iznosu od 768.421,00 KM za 2020. godinu, zbog pojave konkurentnog društva na polju vršenja poslova prevoza, te dodatno usloženo zastojem poslovne aktivnosti zbog pandemije izazvano Corona virusom (COVID-19). U pogledu imovine društvo raspolaže nepokretnom i pokretnom imovinom sa prikazom knjigovodstvenog stanja vrijednosti, od čega je prikazana vrijednost zemljišta u iznosu od 189.156,00 KM, građevinskih objekata u iznosu od 200.213,00 KM, postrojenja i opreme u vrijednosti od 1.109.686,00 KM i opreme u pripremi u vrijednosti od 47.130,00 KM. Navedena vrijednost je prikazana kao knjigovodstvena na datum 31.12.2020. godine. Također prema bilansnim stanjima u finansijskoj dokumentaciji prikazano je stanje na kontu „zalihe“ na dan 31.12.2020. godine u iznosu od 213.718,00 KM, zatim kratkoročna potraživanja na dan 31.12.2020. godine u iznosu od 303.723,00 KM. U strukturi obaveza, u poslovnoj dokumentaciji društva dužnika evidentne su obaveze prema dobavljačima, prema zatečenom stanju sa presjekom za 2020. godinu u iznosu od 505.301,00 KM, obaveze prema zaposlenim sa presjekom za 2020. godinu u iznosu od 40.311,00 KM, što će se konačno utvrditi tokom ispitivanja prijava potraživanja za period sve do momenta otvaranja stečajnog postupka. Na dan 31.12.2020. godine, prema izjašnjenju privremenog stečajnog upravnika evidentirane su porezne obaveze u ukupnom iznosu od 52.319,00 KM od čega se na PDV odnosi ukupan iznos od 43.420,00 KM. Prema knjigovodstvenoj vrijednosti, ukupna vrijednost pokretne i nepokretne imovine na dan 31.12.2020. godine je evidentirana u iznosu od 1.546.185,00 KM, dok je nivo kreditnih obaveza iskazan na dan 31.12.2020. godine u iznos cca. 2.150.000,00 KM. Od nepokretne imovine društvo ima upisano u vlasništvu nekretninu na kojoj je izgrađen neuplanjen (objekat bez legalizacije) na kojem su upisane hipoteke povjerioca Intesa Sanpaolo banka i drugih povjerilaca. Društvo posjeduje većim brojem teretnih vozila (cisterne i kamioni) na kojem su upisana založna prava od strane različitih povjerilaca (finansijskih institucija i drugih povjerilaca), što će biti predmet razmatranja prilikom detaljnog popisa imovine koji će činiti stečajnu masu društva.

Prema izjašnjenju privremenog stečajnog upravnika, društvo nema platežnu sposobnost, budući da ne izmiruje svoje obaveze u dužem vremenskom trajanju od 60 dana i da su mu računi u dužem vremenskom trajanju od 60 dana u blokadi, da nije u stanju izvršiti svoje dospjele obaveze plaćanja, te da su ispunjeni stečajni uslovi za otvaranje stečajnog postupka u smislu odredbe člana 102. stav 6. Zakon o stečaju.

Na ročištu za ispitivanje uslova za otvaranje stečajnog postupka, privremeni stečajni upravnik je obrazložio nalaz i mišljenje o statusu društva i ispitanim uslovima za pokretanje stečaja, osim u dijelu postojanja imovine koja bi bila nužna za finansiranje troškova vođenja stečajnog postupka, sve do prvih unovčenja imovine.

Na osnovu izvedenih dokaza tokom postupka utvrđeno je da je prijedlog za pokretanje stečajnog postupka dopušten, zbog nesolventnosti i nelikvidnosti dužnika postoji stečajni razlog, a iz preostalih sredstava uplaćenih na ime pokretanja predhodnog postupka za utvrđivanje uslova za otvaranje stečajnog postupka u iznosu od 4.200,00 KM i doplate iznosa od 12.000,00 KM mogli bi se finansirati troškovi postupka, o čemu se izjasnio i privremeni stečajni upravnik na ročištu za ispitivanje uslova za otvaranje stečajnog postupka od 16.09.2021. godine.

Na istom ročištu sud je rješenjem naložio predlagачu da u roku od 30 dana od dana održavanja ročišta izvrši uplatu iznosa od 12.000,00 KM na ime finansiranja troškova stečajnog postupka, uplatom na depozitni račun suda, uz upozorenje o posljedicama u slučaju ne postupanja po nalogu suda datom u rješenju.

Dana 23.09.2021. godine sud je zaprimio dokaz o uplati predujma za otvaranje stečajnog postupka u iznosu od 12.000,00 KM, koja uplata je izvršena od strane jednog od predlagачa Intesa Sanpaolo bank dd BiH.

Sud je temeljem odredbe čl. 102. stav 4. a u vezi sa čl. 6. Zakona o stečaju odlučio kao u izreci rješenja.

Odluku o imenovanju stečajnog upravnika, sud je donio temeljem odredbe člana 104. stav 2. tačka b. . Zakona o stečaju, a nakon što je utvrdio da isti ispunjava uslove utvrđene odredbom člana 71. Zakona o stečaju.

Sud je, odluku o određivanju ročišta za ispitivanje prijavljenih potraživanja i izvještajnog ročišta, donio temeljem člana 106 Zakona o stečaju.

Odluku o objavljivanju otvaranja stečajnog postupka, sud je donio temeljem člana 105. stav 1. Zakona o stečaju.

Temeljem odredbe člana 105. Zakona o stečaju, sud je uputio odgovarajuće pozive povjeriocima i dužnicima stečajnog dužnika.

Upis otvaranja stečajnog postupka u javne registre određen je temeljem odredbe člana 108. stav 1. tačka a. Zakona o stečaju.

STEČAJNI SUDIJA,
Faruk Arnaut

POUKA O PRAVNOM LIJEKU:

Protiv ovog rješenja žalbu može uložiti stečajni dužnik.

Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku 5 radni dana od dana objave rješenja u Sl. novinama F BiH.

Žalba iz prethodnog stava ne odlaže izvršenje rješenja.